




LJ. RADIĆ

ISTOČNO SARAJEVO - U dvije odvojene akcije usmjerene na suzbijanje kriminala i zloupotrebe droga službenici Državne agencije za istrage i zaštitu (SIPA) za dva dana uhapsili su 13 osoba i oduzeli oko 46 kilograma droge.

U okviru akcije "Jug" u ponedjeljak su pripadnici SIPA uhapsili 10 osoba i zaplijenili 16 kg droge, dok su juče u akciji "Golf" zaplijenili 30 kg i uhapsili tri osobe. Kako nam je potvrđeno, uhapseni u akciji "Jug" su nakon kriminalističke obrade u SIPA predati Tužilaštvu BiH jer ih sumnjiče da su počinili krivično djelo neovlaštenog prometa opojnim drogama. Tužilaštvo BiH je juče nakon ispitivanja zatražilo pritvor za osam osoba, i to za: Refika Hasanovića (40) iz Sarajeva, Mirzu Hodžića (32) iz Doboja, Muhameda Mudrova (34) iz Doboja, Enesa Kantića (38) iz Tešnja,



## SIPA oduzela 46 kg droge

Almira Ahmića (35) iz Tešnja, Alena Dugalića (31) iz Tešnja, Adnana Dizdarevića (39) iz Ze-

nice i Nedima Bukvića (34) iz Doboja.

"U okviru istrage utvrđeno

je da je tokom 2020. prvoosumnjičeni organizovao grupu ljudi na području BiH, kojoj su kao pripadnici pristupili i ostali osumnjičeni, a koja je organizovana radi neovlaštenog međunarodnog prenosa i prodaje opojnih droga skank i spida iz Albanije u BiH", naveli su u Tužilaštvu BiH.

"Službenici SIPA izvršili su pretrese stambenih i pomoćnih objekata na ukupno 13 lokacija u Sarajevu, Istočnom Sarajevu, Doboju, Tešnju i Doboju Jugu", rekao je portparol SIPA Luka Miladinović. Tokom pretresa, kako je pojasnio, pronađeno je i oduzeto oko 13,5 kg nepoznate materije koja asocira na skank, te 2,5 kg nepoznate materije koja asocira na spid. Takođe, oduzeto je više mobilnih telefona, novca i drugih predmeta koji mogu poslužiti kao dokaz u daljem krivičnom postupku.

Kada je u pitanju akcija "Golf", koja je juče sprovedena u Trebinju i Čapljini, pripadnici

SIPA su oduzeli 30 kg skanka i uhapsili tri osobe. Saznajemo da je veća količina droge pronađena u pasatu, a osim pomenutog vozila pretreseni su i stambeni objekti.

Naime, u okviru ove akcije izvršena su tri pretresa u Trebinju i jedan u Čapljini, a uhapšene sumnjiče da su se organizovano bavili neovlaštenom proizvodnjom i prometom droga.

### OSUMNJIČENI U AKCIJI "JUG" ŠVERCOVALI DROGU IZ ALBANIJU U BiH

I službenici FUP-a juče su pod nadzorom Kantonalnog tužilaštva Kantona Sarajeva uhapsili pet osoba iz Sarajeva A.J. (33.), E.J. (40), A.V. (35), N.K. (32) i S.Č. (35) zbog neovlaštene proizvodnje i stavljanja u promet opojnih droga.